



ԿՈՌՈՒԴՑԻԱՅԻ ԿԱՆԽԱՐԳԵԼՄԱՆ ՀԱՆՁՆԱԺՈՂՈՎԻ ԳԼԽԱՎՈՐ ՔԱՐՏՈՒՂԱՐ

Հայաստանի Հանրապետություն, Երեւան, 0009, Կորյուն 15, հեռ. (37412) 77 77 25
Koryun Street 15, 0009, Yerevan, Republic of Armenia, tel. (37412) 77 77 25

20.02.2025թ.
01/749-2025

**ԻՆՖՈՐՄԱՑԻՈՆ ՏԵՂԵԿԱՏՎԱԿԱՆ
ՀԱՍԱՐԱԿԱԿԱՆ ԿԱԶՄԱԿԵՐԴՈՒԹՅԱՆ ԼՐԱԳՐՈՂ
ՏԻԿԻՆ ՍՈՒՄԻՆԱ ԽԱԶԱՏՐՅԱՆԻՆ**
(susinakhachatrian@gmail.com)

Հարգելի՛ տիկին Խաչատրյան,

Ի պատասխան 2025 թվականի փետրվարի 11-ին Կոռուպցիայի կանխարգելման հանձնաժողովում (այսուհետ՝ Հանձնաժողով) մուտքագրված Ձեր գրավոր հարցման հայտնում եմ, որ Մամուլի մոնիթորինգի ուսումնասիրության շրջանակում հրապարակումները հայտնաբերվել և ուսումնասիվել են իրավասու ստորաբաժանումների կողմից:

- 2024 թվականի հոկտեմբերի 23-ին infocom.am կայքում [«Հարկային և մաքսային տեսուչների ստացած նվիրատվությունները հետազոտելի չեն. ԿԿՀ-ն նրանց հայտարարագրերը չի ուսումնասիրել»](#) և 2025 թվականի հունվարի 13-ի՝ [«Ուժային կառույցների ներկայացուցիչները խոշոր նվիրատվություններ են հայտարարագրում, որոնց ծագման աղբյուրը հետազոտելի չէ»](#), ինչպես նաև 2024 թվականի դեկտեմբերի 11-ի՝ [«Դատավորների շքեղ նվերներն ու կույր վեթինգը. քանի՞ դատավոր է գրկվել պատմուճանից անօրինական գույքի համար»](#) վերտառությամբ հրապարակումների հիման վրա Հանձնաժողովն իրականացրել է հետևյալ գործընթացները.
- Սույն կետում նշված առաջին հրապարակման հիման վրա Հանձնաժողովն իրականացրել է Արմեն Սաֆարյանի, Սուրեն Գալստյանի, Լիանա Մովսիսյանի, Տիգրան Նարիմանյանի, Վանյա Ղազարյանի, Կարեն Մարգարյանի, Լուսինե Չազյանի, Արամ Ղուկասյանի, Չեփյուռ Ալեքսանյանի և նրանց ընտանիքի անդամների հայտարարագրերի՝ հրապարակմամբ արձանագրված առերևույթ

անհամապատասխանությունների ուսումնասիրություն: Մասնավորապես, կատարված ուսումնասիրության արդյունքում՝ Արմեն Սաֆարյանից, Սուրեն Գալստյանից, Սամվել Եղիազարյանից, Կարեն Մարգարյանից, Տիգրան Նարիմանյանից, Լուսինե Չազյանից, Արամ Ղուկասյանից և Չեփյուռ Ալեքսանյանից հայցվել են պարզաբանումներ, և ներկա պահին իրականացվում է ստացված պարզաբանումների գնահատում, իսկ Վանյա Ղազարյանի նկատմամբ որևէ գործընթաց չի նախաձեռնվել և առաջարկվել է Չանձնաժողով ներկայացնել հայտարարագրված տվյալներում փոփոխություն կատարելու վերաբերյալ դիմում:

- Սույն կետում նշված երկրորդ հրապարակման հիման վրա՝ Կարեն Չոհրաբյանի, Արման Նիկողոսյանի, Վարդան Ավագյանի, Գնել Սիմոնյանի, Ստեփան Նազարյանի, Խորեն Բարխոյանի, Արթուր Չակոբյանի, Երվանդ Նիկոյանի հայտարարագրերում հայտարարագրված նվիրատվությունների վերաբերյալ ուսումնասիրությունը գտնվում է ընթացքի մեջ:
- Սույն կետում նշված երրորդ հրապարակման հիման վրա՝ Չանձնաժողովի հատարարագրերի վերլուծության վարչության կողմից ուսումնասիրվել են հրապարակմամբ նշված պաշտոնատար անձանց հայտարարագրերը: Ուսումնասիրության արդյունքներն առաջիկայում կներկայացվեն Չանձնաժողովի քննարկմանը:

2. Ստուգում կամ վերլուծություն իրականացնելիս Չանձնաժողովը որպես եկամուտ հայտարարագրված նվիրատվությունների դեպքում հաշվի է առնում նվիրատվության գումարի չափը, նվիրատվության շարժառիթը, նվիրատուի հետ ունեցած կապի բնույթը, նվիրատվության ստացման եղանակը (կանխիկ, անկանխիկ), ինչպես նաև նվիրատվությամբ ստացված դրամական միջոցների առաջնային ծագման աղբյուրների օրինականությունը, այդ թվում նվիրատվության՝ նվիրատուի օրինական եկամուտներով հիմնավորվածությունը և ողջամտությունը: Վերոնշյալ բոլոր հանգամանքների վերաբերյալ հայցված և ստացված պարզաբանումների գնահատման և համապատասխան օրենսդրական հիմքերի առկայության դեպքում ըստ անհրաժեշտության Չանձնաժողովը նվիրատուից պահանջում է ներկայացնել իրավիճակային հայտարարագիր կամ իրականացում է այլ գործընթացներ, այդ թվում՝ Չանձնաժողովի կասկածները չփարատվելու դեպքում գործի նյութերն ուղարկում է Գլխավոր դատախազություն:

3. Երրորդ հարցադրմանն ի պատասխան հարկ է նշել, որ 2024 թվականի սեպտեմբերի 16-ին infocom.am կայքում [«Անհամապատասխանություններ](#)

Երևանի ավագանու մի շարք անդամների հայտարարագրերում»

վերտառությամբ հրապարակման վերաբերյալ Յանձնաժողովն իրականացրել է Իոսիֆ Կուբատյանի և Նրա կնոջ, Յայկ Գրիգորյանի, Սեդա Տեր-Մինասյանի, Տիգրան Պետրոսյանի, Արտակ Չեյնալյանի և Նրա կնոջ, Լուսինե Սարգսյանի և Նրա ամուսնու, Գրիգոր Իսկանդարյանի և Նրա կնոջ, Չարուհի Փոստանջյանի հայտարարագրերի՝ հրապարակմամբ արձանագրված առերևույթ անհամապատասխանությունների ուսումնասիրություն և որոշել՝

- Իոսիֆ Կուբատյանից, Յայկ Գրիգորյանից և Նրա ընտանիքի անդամ Գայանե Մինասյանից, Սեդա Տեր-Մինասյանից, Տիգրան Պետրոսյանից, Գրիգոր Իսկանդարյանից, Չարուհի Փոստանջյանից, Արտակ Չեյնալյանի կնոջից՝ Լիլիթ Մուսեյանից, Լուսինե Սարգսյանի ամուսնուց՝ Վահե Յայրապետյանից, հայցել պարզաբանումներ և հավաստող փաստաթղթեր արձանագրված անհամապատասխանությունների վերաբերյալ: Բոլոր հայտարարատուներից ստացվել են պարզաբանումներ, որոնք գնահատման և քննարկման փուլում են:

4. Ի պատասխան հարցմամբ ներկայացված չորրորդ հարցադրմանը՝ տեղեկացնում եմ, որ հիմք ընդունելով «Կոռուպցիայի կանխարգելման հանձնաժողովի մասին» օրենքի 23-րդ հոդվածի 1-ին մասի 1.1 կետը և 27-րդ հոդվածի 1-ին մասի 2-րդ կետը՝ Յանձնաժողովն իրականացրել է համապատասխան ուսումնասիրություն «Ժողովուրդ» օրաթերթի՝ 2024 թվականի մայիսի 3-ի՝ **«ՔՊ-ական պաշտոնյաները արդեն աստղաբաշխական գումարներ են ստանում օտարերկրյա \$իրմաներից»** վերտառությամբ հրապարակման հիման վրա:

Հրապարակման մեջ շրջանառվող տեղեկատվության շրջանակներում Յանձնաժողովի կողմից Էական է գնահատվել այն տեղեկությունը, ըստ որի՝ Արագածոտնի մարզի Թալին համայնքի ղեկավար Տավրոս Սափեյանը 2023 թվականին արտասահմանում գրանցված ընկերությունից որպես նվեր է ստացել 49.9 հազար ԱՄՆ դոլար:

Հարկ է նշել, որ նկարագրված դեպքը Յանձնաժողովը քննության է առել «Հանրային ծառայության մասին» օրենքով սահմանված՝ նվերների ընդունման սահմանափակումների և շահերի բախման կարգավորումների լույսի ներքո: Վերոգրյալ իրավակարգավորումների և ներկայացված պարզաբանման հիման վրա Յանձնաժողովը Տ. Սափեյանի կողմից նվերների ընդունման սահմանափակման և (կամ) շահերի բախման կարգավորումների առերևույթ խախտման հիմքեր չի արձանագրել:

Միաժամանակ, կատարված նվիրատվության փաստը, համայնքի ղեկավարի և նվիրատուի միջև կապի բնույթը և հրապարակման մեջ շրջանառվող տեղեկությունները Հանձնաժողովի մոտ ողջամիտ կասկած են հարուցել առ այն, որ կատարված արարքները (ընդունված որոշումները) առերևույթ կարող են պարունակել ՀՀ քրեական օրենսգրքով նախատեսված կոռուպցիոն հանցագործության հատկանիշներ, ինչով պայմանավորված՝ 2024 թվականի հուլիսի 23-ին Հանձնաժողովը դիմել է ՀՀ գլխավոր դատախազություն:

ՀԱՐԳԱՆՔՈՎ՝

X _____

ԴԱԿԻԹ ՄԿՈՅԱՆ

Կատարող՝
Նարեկ Հովհաննիսյան
Հայտարարագրերի վերլուծության վարչություն
+37412777738